

Na osnovu člana 53. Statuta Sindikata BH Telecoma, Centralni odbor Sindikata BH Telecoma na svojoj sjednici održanoj 14.02.2008.g. donosi

P R A V I L N I K

o finansiranju i finansijsko- materijalnom poslovanju

Član 1.

Ovim Pravilnikom reguliše se način poslovanja , upravljanja i nadzor nad cjelokupnom imovinom Sindikata BH Telecoma (u daljem tekstu SBHT)

Član 2.

Sindikalne aktivnosti, odnosno djelatnost SBHT , finansira se od članarine , prihoda od imovine i drugih prihoda u skladu sa zakonom.

Iz navedenih sredstava iz stava 1 ovog člana , finansira se realizacija programskih osnova SBHT, te rad i djelovanje SBHT ili njegovih tijela na svim nivoima.

Član 3.

Članarina je osnovni izvor prihoda i finansiranja rada SBHT. Visinu i raspodjelu ukupne članarine utvrđuje Centralni odbor.

Član 4.

Članarina u SBHT iznosi 1% neto ličnog dohotka svakog člana.

Član 5.

Sredstva iz članarine prikupljene u OSO raspoređuju se na sljedeći način:

- Za osnovnu djelatnost OSO 40% (ostaje na računu OSO)
- Za osnovnu djelatnost SBHT 30% (uplaćuje se na račun SBHT)
- Za štrajkački fond 30% (uplaćuje se na poseban račun SBHT)

Član 6.

Svaka OSO, za podmirenje potreba djelovanja u provođenju sindikalnih aktivnosti, će koristiti namjenski izdvojena sredstva u visini koja su regulisana alinejom 1 prethodnog člana, kao i sredstva koja se već nalaze na računu OSO, a u skladu sa Planom prihoda i rashoda OSO i članu 87 Statuta SBHT.

Član 7.

SBHT za podmirenje potreba djelovanja u provođenju sindikalnih aktivnosti će koristiti namjenski izdvojena sredstva, u visini koja su regulisana alinejom 2 iz člana 5, a u skladu sa Planom prihoda i rashoda SBHT.

Član 8.

SBHT za potrebe finansiranja štrajka koristi namjenski izdvojena sredstva (koja OSO izdvajaju u visini kako je regulisano alinejom 3 iz člana 5).

Sredstva predviđena za finansiranje štrajka nalaze se na posebnom računu SBHT koji organizuje i finansira učesnike štrajka.

Član 9.

Sredstvima štrajkačkog fonda, a u skladu sa Statutom SBHT, upravlja Centralni odbor koji preuzima ulogu štrajkačkog odbora u slučaju štrajka.

Sredstva iz štrajkačkog fonda ne mogu se koristiti u druge svrhe.

Član 10.

U slučaju istupanja OSO iz SBHT, pripadajuća neutrošena sredstva iz Štrajkačkog fonda bit će vraćena OSO srazmjerno njenom ulogu u fond.

Član 11.

Članovi SBHT u OSO mogu poduzimati akcije putem kojih će prikupljati sredstva ili sami uplaćivati dodatna sredstva u posebne fondove, za djelovanje ili za dogovorene akcije SBHT ili OSO u korist članova.

Član 12.

Centralni odbor je donio odluku da se u Osnovnim sindikalnim organizacijama formiraju fondovi solidarnosti za liječenje radnika i uži članova njihovih porodica (suprug-a i djeca).

Fondom solidarnosti upravlja Sindikalni odbor OSO putem svoje Komisije, a isti će raditi po Pravilniku o radu Fonda solidarnosti
Pristup u Fond solidarnosti je dobrovoljan.

Član 13.

Nadzorni odbor SBHT vrši nadzor nad imovinom i finansijskim poslovanjem SBHT i kontroliše namjensko korištenje sredstava primjenom ovog Pravilnika i Statuta.

Nadzorni odbor podnosi izvještaj Centralnom odboru između dvije Skupštine, najmanje jednom godišnje, te obavezno uz završni račun.

Član 14.

Ovaj Pravilnik je usaglašen sa Statutom SBHT i stupa na snagu danom donošenja.

CENTRALNI ODBOR